

四庫全書

集部

欽定四庫全書

御定全唐詩卷二

高宗皇帝

帝諱治文皇第九子始封晉王貞觀十七年立為皇太子在位三十四年諡曰天皇大帝集八十六卷今失傳存詩八首

太子納妃太平公主出降

咸亨四年太子弘納妃裴氏有司奏費用

白雁適苑中獲之

龍樓光曙景魯館啓朝扉豔日濃妝影低星降婺輝玉
庭浮瑞色銀榜藻祥徽雲轉花縈蓋霞飄葉綴旗雕軒

回翠陌寶駕歸丹殿鳴珠佩曉

一作

衣鏤璧輪開

一作

扇華冠列綺筵蘭醕申芳宴環階鳳樂陳玳席珍羞薦
蝶舞袖香新歌分落素塵歡凝歡懿戚慶叶慶初姻暑
闌炎氣息涼早吹疎頻方期六合泰共賞萬年春

七夕宴懸圃二首

羽蓋飛天漢鳳駕越層巒俱歎三秋阻共叙一宵歡璜

虧夜月落靨碎曉星殘誰能重操杼織手濯清澗

霓裳轉雲路鳳駕儼

一作臨

天潢虧星凋夜靨殘月落朝

璜促歡今夕促長離別後長輕梭聊駐織掩淚獨悲傷

過溫湯

溫渚停山蹕豐郊駐曉旌路曲迴輪影巖虛傳漏聲暖
溜驚湍駛寒空碧霧輕林黃疎葉下野白曙霜明眺聽
良無已煙霞斷續生

九月九日

端居臨玉宸初

一作永

律啓金商鳳闕澄秋色龍闈引夕

涼野淨山氣斂林疎風露長砌蘭虧半影巖桂發全香
滿蓋荷凋翠圓花菊散黃揮鞭爭電烈飛羽亂星光柳
空穿石碎弦虛側月張怯猿啼落岫驚雁斷分行斜輪
低夕景歸旆擁通莊

謁慈恩寺題焚法師房

時帝為太子題詩帖之於戶見焚法師傳舊作

太宗詩誤

停軒觀福殿遊目眺皇畿法輪含日轉花蓋接雲飛翠

煙香綺閣丹霞光寶衣幡虹遙合彩定水迴分暉蕭然
登十地自得會三歸

謁大慈恩寺

日宮開萬

一作百

仞月殿聳千尋花蓋飛團影幡虹曳曲

陰綺霞遙籠帳叢珠細網林寥廓煙雲表超然物外心

守歲

第六句
缺一字

今宵冬律盡來朝麗景新花餘疑地雪條含煖吹分綬
吐芽猶嫩水已鏤津薄紅梅色冷淺綠柳輕春送迎

交兩節暄寒變一辰

咸亨殿宴近臣諸親柏梁體

王海儀鳳三年七月丁巳宴近臣諸

親於九成宮之咸亨殿上謂霍王元軌等曰甘雨頻降夏麥豐熟秋稼滋榮思與叔等同為此

歡因賦七言效柏梁體皇太子霍王相王侍臣竝和

屏欲除奢政返淳

帝霍王以下和句七

中宗皇帝

帝諱顯高宗第七子始封周王儀鳳二年徙封英王改名哲永隆元年立為皇太子及即位太后臨朝稱制廢

帝為廬陵王神龍元年復辟在位六年諡曰孝和帝於
景龍中置修文館學士盛引詞學之臣從侍游讌春幸
梨園竝渭水祓除則賜細柳園辟惡夏宴蒲萄園賜朱
櫻秋登慈恩浮圖獻菊花酒稱壽冬幸新豐歷白鹿觀
上驪山賜浴湯池給香粉蘭澤從行給翔麟馬品官黃
衣各一帝有所感即賦詩學士皆屬和焉集四十卷失
傳今存詩及聯句詩七首

九月九日幸臨渭亭登高得秋字

并序

陶潛盈把既浮九醞之歡畢卓持螯須盡一生之興人題四韻同賦五言其最後成罰之引滿

九日正乘秋三杯興已周泛桂迎尊滿吹花向酒浮長房萸早熟彭澤菊初收何藉龍沙上方得恣淹留

紀事云時

景龍三年是宴也韋安石蘇瓌詩先成于經野虛懷慎最後成罰酒

登驪山高頂寓目

四郊秦漢國八水帝王都閭闔

一作閭閻

雄里閉城闕壯規

模貫渭稱天邑含岐實奧區金門披玉館因此識皇

一作

黃圖

紀事云帝自題序末云人題四韻後
罰三杯日暮成者五六人餘皆罰酒

幸秦始皇陵

景龍三年十
二月十八日

眷言君失德驪邑想秦餘政煩方改篆愚俗乃焚書阿
房久已滅閣道遂成墟欲厭東南氣翻傷掩鮑車

立春日遊苑迎春

神臯福地三秦邑玉臺金闕九仙家寒光猶戀甘泉樹
淑景偏臨建始花綵蝶黃鶯未歌一作
欲舞梅香柳色已

矜一作
堪誇迎春正啓流霞席暫囑曦輪勿遽斜

十月誕辰內殿宴羣臣效柏梁體聯句

潤色鴻業寄賢才

帝

叨居右弼媿鹽梅

李

運籌帷幄荷

時來

宗楚客

職掌圖籍濫蓬萊

劉憲

兩司謬忝謝鍾裴

崔禮

樂銓管效涓埃

鄭愔

陳師振旅清九垓

趙彥昭

欣承顧問侍

天杯

李適

銜恩獻壽柏梁臺

蘇顯

黃縑青簡奉康哉

盧藏用

鯁

生侍從忝王枚

李義

右掖司言實不才

馬懷素

宗伯秩禮一作

祀天地開

薛稷

帝歌難續仰昭回

景龍文館記

宋之問

微臣捧日變寒灰

陸景初

遠慙班左媿遊陪

上官儀

侍臣曰今天下無事朝野多歡欲與卿等詞人時賦詩宴樂可識朕意不須惜醉大學士李嶠宗楚客等跪奏曰臣等多幸同遇昌期諤以不才策名文館思勵鶻朽庶禪河嶽既陪天歡不敢不醉此後每遊別殿幸離宮駐蹕芳苑鳴笳仙禁或咸里宸筵王門卷席無不畢從

景龍四年正月五日移仗蓬萊宮御大明殿會

吐蕃騎馬之戲因重為柏梁體聯句

大明御寓臨萬方帝顧慙內政翊陶唐皇后鸞鳴鳳舞向

平陽長寧公主秦樓魯館沐恩光安樂公主無心為子輒求郎太平

公重茂雄才七步謝陳王重茂當熊讓輦媿前芳上官昭容再司

銓筦恩可忘

吏部侍郎崔澧

文江學海思濟航

著作郎鄭愷

萬邦考

績臣所詳

考功員外郎武平一

著作不休出中腸

著作郎閻朝隱

權豪屏

迹肅嚴霜

御史大夫竇從一

鑄鼎開岳造明堂

將作大匠宗晉卿

玉醴

由來獻壽觴

吐蕃舍人明悉獵一宗晉卿素不屬文未即令續二人固請

紀事云時上疑竇從

許之吐蕃舍人明悉獵請令授筆與之悉獵云云上大悅賜與衣服

石宗

太子時作

三陽本是標靈紀二室由來獨擅名霞衣霞錦千般狀

雲峰雲岫百重生水炫珠光遇泉客巖懸石鏡厭山精

永願乾坤符睿算長居膝下屬歡情

睿宗皇帝

帝諱旦高宗第八子中宗母弟封相王景龍四年即皇帝位帝謙恭孝友好學工草隸尤愛文字訓詁之書在位三年諡曰大聖貞皇帝詩一首

石宗

相王
時作

奇峰嶷嶙箕山北秀崿岵嶢嶢嵩鎮南地首地肺何曾擬
天目天台倍覺慙樹影蒙籠鄣疊岫波深洶湧落懸潭

願紫宸居得一永欣丹宸御通三

第七句
缺一字

御定全唐詩卷二

欽定四庫全書

御定全唐詩卷三

明皇帝

帝諱隆基睿宗第三子始封楚王後為臨淄郡王景雲元年進封平王立為皇太子英武多能開元之際勵精政事海內殷盛旁求宏碩講道藝文貞觀之風一朝復振在位四十五年諡曰明詩一卷

過晉陽宮

緬想封唐處實惟建國初俯察伊晉野仰觀乃參虛井
邑龍斯躍城池鳳翔餘林塘猶沛澤臺榭宛舊居運革
祚中否時遷命茲符顧循承丕構怵惕多憂虞尚恐威
不逮復慮化未孚豈徒勞轍迹所期訓戎車習俗問黎
人親巡慰里閭永言念成功頌德臨康衢長懷經綸日
歎息履庭隅艱難安可忘欲去良踟躕

行次成臯途經先聖擒建德之所緬思功業感
而賦詩

有隋政昏虐羣雄已交爭先聖按劍起叱咤風雲生飲
馬河洛竭作氣嵩華驚克敵睿圖就擒俘帝道亨顧慙
嗣寶歷恭承天下平幸過翦鯨地感慕神且英

校獵義成喜逢大雪率題九韻以示羣官

弧矢威天下旌旗遊近縣一面施烏羅三驅教人戰暮
雲成積雪曉色開行殿皓然原隰同不覺林野變北風
勇士馬東日華組練觸地銀塵出連山縞鹿見月兔落
高矰星狼下急一作飛箭旣欣盈尺兆復憶磻谿便歲豐

將遇賢俱荷皇天眷

金方曰凡人之言

卷三

賜諸州刺史以題座右

開元十六年帝自擇廷臣為諸州刺史許景先

魏州源光裕鄭州冠訛宋州鄭溫琦邠州袁仁
恭杭州崔志廉襄州李昇期邢州鄭放定州蔣

延湖州裴觀滄州崔誠遂州凡十一人行詔宰
相諸王御史以上祖道洛濱盛供具奏太常樂

帛舫水培賜詩令題座
右且給筆紙令自賦焉

眷言思共理鑑寤

一作古

想維良猗歟此推擇聲

一作評績

著周行賢能既俟進黎獻實佇康視人當如子愛人亦

如傷講學試誦論阡陌勸耕桑虛譽不可飾清知不可

忘求名迹易見安貞德自彰訟獄必以情教民貴有常
恤憚且存老撫弱復綏強勉哉各祇命知予眷萬方

送忠州太守康

紀事作唐

昭遠等

端拱臨中樞緬懷共予理不有臺閣英孰振循良美分
符侯甸內拜手明庭裏誓節期飲冰調人方導水嘉聲
馳九牧惠化光千祀時雨侔昔賢芳猷貫前史佇爾頌
中和吾將令卿士

送李邕之任滑臺

漢家重東郡宛彼白馬津黎庶既蕃殖臨之勞近臣遠
別初首路今行方及春課成應第一良牧爾當仁

端午三殿宴羣臣探得神字并序

律中糴賓獻酬之象著火在盛德文明之義燁故
以式宴陳詩上和下暢者也朕宵衣旰食輯聲教
於萬方卜戰行師總兵鈐於四海勤貪日給憂忘
心勞聞蟬聲而悟物變見槿花而驚候改所賴濟
濟朝廷視成鶴鷺桓桓邊塞責辦熊羆喜麥秋之

有登玩梅夏之無事時雨近霽西郊霍靡而一色
炎雲作峰南山嵯峨而異勢正當召儒雅宴高明
廣殿肅而清氣生列樹深而長風至廚人嘗散熱
之饌酒正行逃暑之飲庖捐惡鳥俎獻肥龜新筒
裹練香蘆角黍恭儉之儀有序慈惠之意溥洽諷
味黃老致息心於真妙抑揚游夏滌煩想於詩書
超然玄覽自足為樂何止柏枕桃門驗方術於經
記綵花命縷觀問遺於風俗感婆婆於孝女憫枯

槁之忠臣而已哉歎節氣之循環美君臣之相樂
凡百在會咸可賦詩五言紀其日端七韻成其火
數豈獨漢武之殿盛朝士之連章魏文之臺壯辭
人之竝作云爾

五月符天數五音調夏鈞舊來傳五日無事不稱神穴
枕通靈氣長絲續命人四時花競巧九子梭爭新方殿
臨華節圓宮宴雅臣進對一言重道文六義陳股肱良
足詠風化可還淳

温湯對雪

北風吹同雲同雲飛白雪白雪乍迴散同雲

一作北風

何慘

烈未見温泉水寧知火井滅表瑞良在茲庶幾可怡悅

登蒲州逍遙樓

長榆息烽火高柳靜風塵卜征巡九洛展豫出三秦昔

是潛龍地今為上理辰時平乘

一作承

道泰聊賞遇年春

黃河分地絡

一作脈

飛觀接天津一覽遺芳翰千載肅如

神

經河上公廟

昔聞有者叟河上獨遺榮跡與塵囂隔心將道德并詎
以天地累寧為寵辱驚矯然翔寥廓如何屈堅貞玄玄
妙門啓肅肅祠宇清冥漠無先後那能紀

一作記

姓名

過王濬墓

吳國分牛斗晉室命龍驤受任敵已滅策勲名不彰居
美未盡善矜功徒自傷長戟今何在孤墳此路傍不觀
松柏茂空餘荆棘場歎嗟懸劍隴誰識夢刀祥

初入秦川路逢寒食

洛陽

一作川

芳樹映天津

一作灞岸

垂楊窈窕地新直為經

過行處樂不知虛度兩京春

一作去年餘

有一作閨今春早曙

色和風著花草可憐寒食與清明
光輝并在長安道自

從關路

一作內

入秦川爭道何人不戲鞭公子途中妨

一作

方蹴踘佳人馬上廢

一作戲

鞦韆渭水長橋今欲渡蔥蔥

漸見新豐樹遠看驪岫入雲霄
預想湯池起煙霧煙霧

氛氳水殿開暫拂香輪歸去來
今歲清明行已晚明年

寒食更相陪

春臺望

暇景屬三春，高臺聊四望。
目極千里際，山川一何壯。
太華見重巖，終南分疊嶂。
郊原紛綺錯，參差多異狀。
佳氣滿通溝，遲步入綺樓。
初鶯一一鳴，紅樹歸雁雙雙。

一作遲遲

去綠洲，太液池中下黃鶴。
昆明水上映牽牛，聞道漢家全盛日。
別館離宮趣非一，甘泉逶迤亘明光。
五柝連延接未央，周廬徼道縱橫轉。
飛閣迴軒左右長，須念作勞

居者逸勿言我

身一作

後焉能恤為想雄豪壯柏梁何如

儉陋卑茅室陽烏黯黯向山沈夕鳥喧喧入上林薄暮
賞餘回步輦還念中人罷百金

過大哥宅探得歌字韻

魯衛情先重親賢愛轉多冕旒豐暇日乘景暫經過戚
里申高宴平臺奏雅歌復尋為善樂方驗保山河

同玉真公主過大哥山池

地有招賢處人傳樂善名鶩池臨

一作尋

九達龍岫對層

重一作城桂月先秋冷蘋風向晚清鳳樓遙可見彷彿玉

簫聲

經鄒魯祭孔子而歎之

夫子何為者栖栖一代中地猶鄒氏邑宅即魯王宮歎
鳳嗟身否傷麟怨道窮今看兩楹奠當與夢時同

惟此溫泉是稱愈疾豈予獨受其福思與兆人
共之乘暇巡遊乃言其志

桂殿與山連蘭湯湧自然陰崖含秀色溫谷吐潺湲績

為蠲邪著功因養正宣願言將億兆同此共昌延

旋師喜捷

一作平胡

邊服胡塵起長安漢將飛龍蛇開陣法貔虎振軍威詐虜腦塗地征夫血染衣今朝書奏入明日凱歌歸

過老子廟

仙居懷聖德靈廟肅神心草合人蹤斷塵濃鳥跡深流沙丹竈沒關路紫煙沈獨傷千載後空餘松柏林

途次陝州

境出三秦外途分二陝中山川入虞虢風俗限西東樹
古棠陰在耕餘讓畔空鳴笳從此去行見洛陽宮

野次喜雪

拂曙闢行宮寒臯野望通繁雲低遠岫飛雪舞長空賦
象恒依物縈迴屢逐風為知勤恤意先此示年豐

送賀知章歸四明 并序

天寶三年太子賓客賀知章鑒止足之分抗歸老
之疏解組辭榮志期入道朕以其年在遲暮用循

挂冠之事俾遂赤松之遊正月五日將歸會稽遂
餞東路乃命六卿庶尹大夫供帳青門寵行邁也
豈惟崇德尚齒抑亦勵俗勸人無令二疏獨光漢
冊乃賦詩贈行

遺榮期入道辭老竟抽簪豈不惜賢達其如高尚心寰
中得祕要方外散幽襟獨有青門餞羣僚一作英悵別深

軒遊宮十五夜

行邁離秦國巡方赴洛師路逢三五夜春色暗中期闕

外長河轉宮中淑氣遲歌鐘對明月不減舊遊時

觀拔河俗戲并序

俗傳此戲必致年豐故命北軍以求歲稔

壯徒恒賈勇拔拒抵長河欲練英雄志須明勝負多譟
齊山岌業氣作水騰波預期年歲稔先此樂時和

同劉晃喜雨

節變寒初盡時和氣已春繁雲先合寸膏雨自依旬颯
颯飛平野霏霏靜暗塵懸知花葉意朝夕望中新

千秋節賜羣臣鏡

鑄得千秋鏡光生百鍊金分將賜羣后遇象見清心臺
上冰華澈窗中月影臨更銜長綬一作壽帶留意感人深

賜道士鄧紫陽

太乙三門訣元君六甲符下傳金版術上刻玉清書有
美探真士囊中得祕書自知一作茲三醮後翊我滅殘胡

幸蜀西至劔門

劔閣橫雲峻鑿輿出狩回翠屏千仞合丹嶂五丁開灌

木縈旗轉仙雲拂馬來乘時方在德嗟爾勒銘才

肅宗至德

二載普安郡
守賈深勒石

答司馬承禎上劒鏡

寶照含天地神劒合陰陽日月麗光景星斗裁文章寫
鑑表容質佩服為身防從茲一賞玩永德保齡長

送趙法師還蜀因名山奠簡

道家奠靈簡自昔仰神仙真子今將命蒼生福可傳江
山尋故國城郭信依然二室遙相望雲回洞裏天

紀事
趙法

師觀宇在今蜀
州新津縣也

送道士薛季昌還山

洞府修真客，衡陽念舊居。
將成金闕要，願奉玉清書。
雲路三天近，松溪萬籟虛。
猶期傳祕訣，來往候仙輿。

送玄同真人李抱朴謁灊山仙祠

城闕天中近，蓬瀛海上遙。
歸期千載鶴，春至一來朝。
采藥逢三秀，餐霞臥九霄。
參同如有旨，金鼎待君燒。

春日出苑遊矚

太子時作一作張說詩

三陽麗景早芳辰四序佳園物候新梅花百樹

一作障

去路垂柳千條暗回津鳥飛直為驚風葉魚沒都由怯
岸人惟願聖主南山壽何愁不賞萬年春

春晚

一作晚

宴兩相及禮官麗正殿學士探得風

字

并序

朕以薄德祇膺厯數正天柱之將傾紉地維之已
絕故得承奉宗廟垂拱巖廊居海內之尊處域中
之大然後祖述堯典憲章禹績敦睦九族會同四

海猶恐烝黎未又徭戍未安禮樂之政虧師儒之道喪乃命使者衣繡服行郡縣因人所利擇其可勞所以便億兆也乃命將士擐介冑礪矢石審山川之向背應歲月之孤虛所以靜邊陲也乃命禮官考制度稽典則序文昭武穆享天地神祇所以申嚴潔也乃命學者繕落簡緝遺編纂魯壁之文章綴秦坑之煨燼所以修文教也故能使流寓返粉榆之業戎狄稱藩屏之臣神祇歆其禋祀庠序

闡其經術既家六合時巡兩京函秦則委輸斯遠
鼎邑則朝宗所利封畿四塞從來測景之都城闕
千門自昔交風之地陰陽代謝日月相推豈可使
春色虛捐韶華竝歇乃置旨酒命英賢有文苑之
高才有掖垣之良佐舉杯稱慶何樂如之同吟湛
露之篇宜振凌雲之藻於時歲在乙丑開元十三
年三月二十七日

乾道運無窮恆將人代工陰陽調厯象禮樂報玄宮介

胄清荒外衣冠佐域中言談延國輔詞賦引文雄野霽
伊川綠郊明鞏樹紅冕旒多暇景詩酒會春風

首夏花萼樓觀羣臣宴寧王山亭回樓下又申

之以賞樂賦詩并序

萬物莫不氣兆乎上而形視乎下鐵石異品雲蒸
竝溼草木無心春來咸喜故聖人弘道先王法天

酒星主獻酬之義需卦陳飲食之象近命羣官

一作

臣欣時樂宴盡九春之麗景匝三旬之暇日暢飲

桂山權歌沁水醇以養德味以平心本將導達陽
和助成長育亦朝廷多慶軍國餘閒者也前月之
晦細風飄雨繁弦中止列席半醉佳辰易失絕興
難追良可惋也今年帶閏節候全晚暑氣猶清芳
草未歇申布雅意復叙初筵披樂善之邸坐忘憂
之觀東郊跬步南山在目足以締夏首之新賞補
春餘之墜歡朕登覽上宮俯臨長陌暢衆心之怡
虞懽歸騎之逶迤鼓之以琴瑟侑之以筐篚衢尊

意洽場藿思暢賦我有嘉賓之詩奏君臣相悅之

樂踟躕西日吟玩乘風不知衷情之發於翰墨也

今年通閏月入夏展春輝樓下風光

一作花

一作晚

一作城隅

宴賞歸九歌揚政要六舞散朝

一作征

衣天喜時相合人

和事不違禮中推意厚樂處感心微別賞陽臺樂前旬

暮雨飛

同二相已下羣官樂遊園宴

二相謂張說宋璟

撰一作

日巖廊暇需雲宴樂初萬方朝玉帛千品會簪

裾地入南山近城分北斗餘池

一作林

塘垂柳密原隰野

一作雜

花疎帘幕看逾暗歌鐘聽自虛興闌歸騎轉還奏

弼違書

集賢書院成送張說上集賢學士賜宴得珍字

廣學開書院

一作殿

崇儒引席珍集賢招

一作昭

袞職論道

命台臣禮樂沿今古文章革舊新獻酬尊俎列賓主位

班陳節變雲初夏時移氣尚春所希光史冊千載仰茲

晨

王屋山送道士司馬承禎還天台

紫府求賢士清谿祖逸人江湖與城闕異跡且殊倫間

一作

有幽棲者居然厭俗塵林泉先得性芝一作松桂欲

調神地道踰稽

一作雞

嶺天台接海濱

一作瀕

音徽從此間

萬古一芳春

早度蒲津關

鐘鼓嚴更曙山河野望通鳴鑿下蒲坂飛旆入秦中地

險關逾壯天平鎮尚雄春來

一作深

津樹合月落戍樓空

馬色分朝景雞聲逐曉風所希常道泰非復候

一作候
又作棄

繡同

途經華嶽

飭駕去京邑鳴鸞指洛川循

一作修

途經太華回蹕暫周

旋翠嶠留斜影懸巖冒

一作疑

夕煙四方皆石壁五位配

金天彷彿看高掌依稀聽子先終當銘歲月從此記靈

仙

喜雪

日觀卜先征時巡順物情風行未備禮雲密遽飄雲委
樹寒花發紫空落絮輕朝如玉已會庭似月猶明既覩
膚先合還欣尺有盈登封何以報因此謝功成

幸鳳泉湯

西狩觀周俗南山歷漢宮薦鮮知路近省斂覺年豐陰
谷含神爨湯泉養聖功益齡仙井合愈疾醴源通不重
鳴岐鳳誰矜陳寶雄願將無限澤霑沐衆心同

南出雀鼠谷答張說

紀事云帝登封泰山南出雀鼠谷張說獻詩帝答之

仍命羣
臣應制

雷出應

一作膺

乾象風行順

一作訓

國人川途猶在晉車馬

漸歸秦背陝

一作硤

關山險橫汾鼓吹頻

一作震

草依陽谷

變花待北巖春聞有鷓鴣客清詞雅調新求音思欲報
心跡竟難陳

賜崔日知往潞州

潞國開新府壺闕寵舊林妙旌

一作精

循吏德持

一作特

悅

庶氓心禮樂中朝貴神明列郡欽揚風非贈扇易俗是

張琴藩鎮謳謠滿

一作洽

行宮雨露深
會書丞相策
先賜

潁川金

為趙法師別造精院過院賦詩并序

秋九月聽政觀風在乎遊息退朝之後歷西上陽
入清虛院則法師所居之地也法師得玄元之法
養浩然之氣故法此仙家特建真宇紫房對聳綠
竹羅生既親重其人每經過其地以怡神洗雪進
德修業何必齋心累月遠在順風因而賦詩用適

其一作真意云爾

宗師心物外為道運虛舟不戀巖泉賞來從宮禁遊探
玄知幾歲習靜更宜秋煙樹辨朝色風湍聞夜流坐朝
繁聽覽尋勝在清幽欲廣無為化因茲庶可求

端午

一作端午武成殿宴羣臣

端午臨中夏時清日復長鹽梅已佐鼎麩蘖且傳觴事
古人留迹年深縷積一作續長當軒知槿茂向水覺蘆香
億兆同歸壽羣公共保昌忠貞如不替貽厥後昆芳

春中興慶宮醮宴并序

夫抱器懷才含仁蓄德可以坐而論道者我於是乎闢重門以納之作扞四方折衝萬里可運籌帷幄者我於是乎懸重祿以待之是故外無金革之虞朝有搢紳之盛所以巖廊多暇垂拱無為不言而海外知歸不教而寰中自肅元亨之道其在茲乎況乎天地交而萬物通陰陽和而四時序所寶者粟所貴者賢故以宵旰為懷黎元在念盡力溝

洩不知宮室之已卑致敬鬼神不知飲食之斯薄
往以仲冬建子南至初陽爰詔司存式陳郊祀挹
夷夏之誠請答人神之厚睭煙歸太乙禮備上玄
足以申昭報之情足以極嚴禋之道然心融萬類
歸雷雨之先春慶洽百僚象雲天而高宴歲二月
地三秦水泛泛而龍池滿日遲遲而鳳樓曙青門
左右軒庭映梅柳之春紫陌東西帟幕動煙霞之
色撞鐘伐鼓雲起雪飛歌一聲而酒一杯舞一曲

而人一醉詩以言志思吟湛露之篇樂以忘憂慙
運臨汾之筆

九達長安道三陽別館春還將聽朝暇回作豫遊晨不
戰要荒服無刑禮樂新合酺單土宇歡宴接羣臣玉學
飛千日瓊筵薦八珍舞衣雲曳影歌扇月開輪伐鼓魚
龍雜撞鐘角觝陳曲終酣興晚須有醉歸人

千秋節宴

并序

令節肇開情兼感慶率題八韻以示羣臣

蘭殿千秋節稱名

一作君

萬壽

一作歲

觴風傳率土慶日表

繼天祥玉宇開花萼宮

一作金

縣動會昌衣冠白鷺

一作露

下帘幕翠雲長獻遺

一作壽

成新俗朝儀入舊章月銜花

綬鏡露綴綵絲囊處處祠田祖年年宴杖鄉深思一德

事小獲萬人康

開元十八年禮部奏請秋社會並就千秋節先賽白帝報田祖然後坐飲散之

故詩云云

左丞相說右丞相璟太子少傅乾曜同日上官

命宴東

一作都

堂賜詩

赤帝收三傑黃軒舉二臣由來丞相重分掌國之鈞一作

均我有握中璧雙飛席上珍子房推道要仲子訝風神

復輟台衡老將為調護人鷓鴣同拜日車騎擁行塵樂

聚南宮宴觴連北斗醇俾予成百揆垂一作拱問彛倫

早登太行山中言志

清蹕度河陽凝笳上太行火龍明鳥道鐵騎繞羊腸白

霧埋陰壑丹霞助曉光澗泉含宿凍山木一作帶餘霜

野老茅為屋樵人薜作裳宣風問耆艾敦俗勸耕桑涼

德慙先哲徽猷慕昔皇不因今展義何以一作必冒垂堂

平胡并序

戎羯不虔竊我荒服命偏師之俘翦彼應期而咸
殄一麾克定告捷相仍爰作是詩聊以言志

雜虜忽猖狂無何敢亂常羽書朝繼入烽火夜相望將
出凶門勇兵因死地強蒙輪皆突騎按劍盡鷹揚鼓角
雄山野龍蛇入戰場流膏潤沙漠濺血染鋒鉞霧掃清
玄塞雲開靜朔方武功今已立文德媿前王

遊興慶宮作

并序 一作暇日與兄弟同遊興慶宮作

暇日與兄弟同遊興慶宮登勤政務本及華萼相輝之樓所以觀風俗而勸人崇友于而敦睦詩以言志歌以永言情發於衷率題此什

代邸青門右離宮紫陌陞庭如過沛日水若渡江時綺觀連雞岫朱樓接雁池從來敦棣萼今此茂荆枝萬葉傳餘慶千年志不移凭軒聊屬目輕輦共追隨務本方崇訓相輝保羽儀時康俗易漸德薄政難施鼓吹迎飛

蓋弦歌送羽卮所希覃率土孝弟一同規

送張說巡邊

端拱復垂裳長懷御遠方股肱申教義戈劍靖要荒命
將綏邊服雄圖出廟堂三台入武帳八座起文昌寶一作

瑶胄匡韓主華宗輔漢王茂先慙博物平子謝文章盡

節恢時佐翰誠禦寇場三軍臨朔野駟馬即戎行鼓吹
威夷狄旌軒溢洛陽雲臺先著美今日更貽芳

餞王暎巡邊

振武威荒服揚文肅遠墟金壇申將禮玉節授軍符免
胄三方外銜刀萬里餘昔時吳會靜今日虜庭虛分閫
仍推轂援桴且訓車風揚旌旆遠雨洗甲兵初坐見台
階謚行聞袂褱除檄來雖插羽箭去亦飛書舟楫功須
著鹽梅望匪疎不應陳七德欲使化先敷

巡省途次上黨舊宮賦

并序

朕昔在初九佐貳此州未遇扶搖之力空俟海沂
之詠洎大橫入兆出處斯易一揮寶劍遽履瑤圖

承歷數而順謳謠著天衣而御區夏嗟乎向時沈
默駕四馬而朝京師今日逍遙乘六龍而問風俗
爰因巡省途次舊居山川宛然人事無間忽其鼎
革周遊館宇觸目依然雖迹異漢皇而地如豐邑

擊筑慷慨酌桂

紀事
作杯

留連空想大風題茲短什

三千初擊浪九萬欲搏空天地猶驚否陰陽始遇蒙存

貞一作身

期歷試佐貳佇昭融多謝時康理良慙寶賴

一作

寶

功長懷問鼎氣夙負拔山雄不學劉琨舞先歌漢祖

風英髦既包括豪傑自牢籠人事一朝異謳歌

一作四
謠

海同如何昔朱邸今此作離宮雁沼澄瀾翠猿巖落照

紅小山秋

一作
餘

桂馥長坂舊蘭叢即是淹留處乘歡樂

未窮

潼關口號

河曲回千里關門限二京所嗟非恃德設險到

一作
致天

平

千秋節賜羣臣鏡

瑞露垂花綬寒水澈寶輪對茲臺上月聊以慶佳辰

續薛令之題壁

本事詩云開元中東宮官僚清
淡薛令之題詩自悼有無以謀

朝夕何由保歲寒句上幸東宮覽之
索筆題其筒云云令之遂謝病歸

啄木觜距長鳳凰羽毛短苦一作嫌松桂寒任逐桑榆

煖

送胡真師還西山

真仙
通鑑

仙客厭人間孤雲比性閒話離情未已煙水萬重山

過大哥山池題石壁

澄潭皎鏡石崔巍，萬壑千巖暗綠苔。
林亭一作臺自有幽貞趣，况復秋深爽氣來。

題梅妃畫真

憶昔嬌妃在紫宸，鉛華不御得天真。
霜綃雖似當時態，爭奈嬌波不顧人。

鵲鴿頌

并序 魏光乘作 俯同

朕之兄弟唯有五人，比為方伯歲一朝。
見雖載崇藩屏，而有睽談笑。是以輟牧人，而各守京職。每聽

政之後延入宮掖申友于之志詠棠棣之詩邕邕
如怡怡如展天倫之愛也秋九月辛酉有鵲鴿千
數棲集於麟德殿之庭樹竟旬焉飛鳴行搖得在
原之趣昆季相樂縱目而觀者久之逼之不畏翔
集自若朕以為常鳥無所志懷左清道率府長史
魏光乘才雄白鳳辯壯碧雞以其宏達博識召至
軒檻預觀其事以獻其頌夫頌者所以揄揚德業
褒讚成功顧循虛昧誠有負矣美其彬蔚俯同頌

云

伊我軒宮竒樹青葱藹周廬兮冒霜停雪以茂以悅恣
卷舒兮連枝同榮吐綠含英曜春初兮蓐收御節寒露
微結氣清虛兮桂宮蘭殿唯所息宴棲雍渠兮行搖飛
鳴急難有情情有餘兮顧惟德涼夙夜兢惶慙化疎兮
上之所教下之所效實在予兮天倫之性魯衛分政親
賢居兮爰遊爰處爰笑爰語巡庭除兮觀此翔禽以悅
我心良史書兮

傀儡吟

一作梁銍詠
木老人詩

刻木牽絲作老翁，雞皮鶴髮與真同。須臾弄罷寂無事，

還似人生一夢中。

紀事云：明皇為李輔國
遷於西內，曾詠此詩。

句

昔見漳濱臥，言將人事違。今逢慶誕日，猶謂學仙歸。棠

棣花重發，鴿原鳥再飛。


薛王疾瘳，置酒更為初
生之歡。見舊唐書。

德比代雲布，心如晉水清。

饒襄寬為
太原尹。

王象之輿地碑記載：明皇昭州丹霄驛詩，驛前南面架危橋，久欲登臨，畏路遠，今日偶然尋得到，直從平地上。

丹青疑後人
妄託附記



御定全唐詩卷三

欽定四庫全書

集部

御定全唐詩卷四至九

詳校官庶吉士臣胡 鈺

主事銜臣徐以坤覆勘

總校官知縣臣 繆 琪

校對官中書臣 石鴻翥

謄錄監生臣 戈廷模

欽定四庫全書

御定全唐詩卷四

肅宗皇帝

帝諱亨明皇第三子初名嗣昇封陝王開元十五年更名浚徙封忠王二十三年又更名璵明年立為皇太子二十八年又更名紹天寶三載乃更名亨明皇幸蜀即位於靈武聰明彊記屬詞典麗在位七年諡曰宣詩四首

延英殿玉靈芝詩三章章八句

上元二年七月甲辰延英殿御

座上生玉靈芝一
莖三花上親製詩

玉殿肅肅靈芝煌煌重英發秀連葉分房宗廟之福垂

其耿

一作景

光

此章缺二句

元氣產芝明神合德紫微間采白薜呈色載啓瑞圖庶
符皇極天心有眷王道惟直

幸生芳本

一作舟

當我宸

一作宸

旒效

一作放

此靈質貢具王

猷神惟不愛道亦無求端拱思惟永荷天休

賜黎李泌與諸王聯句

鄴侯外傳云肅宗嘗夜坐召頽信益三王同就

地爐食以泌多絕粒帝自燒一梨賜之頽王固求不與請三弟共乞一顆亦不與別命他果賜

之王曰先生恩渥如此臣等請聯句以為他日故事 頽王名璲信王名理益王史失傳

先生年幾許顏色似童兒

王頽

夜抱九仙骨朝披一品衣

信王不食千鍾粟唯餐兩顆梨

王益

天生此間氣助我化無

為帝

德宗皇帝

帝諱适代宗長子初封奉節郡王乾元元年進封魯王

八月徙封雍王廣德二年立為皇太子善屬文尤長於
篇什每與學士言詩於浴堂殿夜分不寐三令節御製
詩敕羣臣賡和品第優劣四方貢藝者帝多親試或有
乖謬濃點筆抹之稱旨即翹足朗吟詫宰相此朕門生
無不服帝之藻鑑焉在位二十五年諡曰孝文集不傳
今存詩十五首

中和節日宴百僚賜詩

帝移晦日為中和節
鄴侯家傳云夜夢見賜

御製中和節詩於金花牋上第二對首忘一字
云茲中和節式慶天地春及中和日百寮會曲

江亭賜御製詩曰肇茲中和節云云其金花牋上花雲皆夢所見者奉詔同用春字

韶年啓仲序初吉諧良辰肇茲中和節式慶天地春歡
酣朝野同生德區宇均雲開灑膏露草疏芳河津歲華
今載陽東作方肆勤慙非熏風唱曷用慰吾人

中和節賜百官燕集因示所懷

至化恒

一作常

在宥保和茲息人推誠撫諸夏與物長為

春仲月風景暖禁城花柳新芳時協金奏賜宴同

一作錫宴

周羣臣絲竹豈云樂忠賢惟所親庶洽朝野意曠然天

地一作均

重陽日賜宴曲江亭賦六韻詩用清字并序

朕在位僅將十載實賴忠賢左右克致小康是以
擇三令節錫茲宴賞俾大夫卿士得同歡洽也夫
共其戚者同其休有其初者貴其終咨爾羣寮順
朕不暇樂而能節職思其憂咸若時則庶乎理矣
因重陽之會聊示所懷

早衣

一作依

對庭燎躬化勤意誠時此萬機暇適與佳節

并曲池潔寒流芳菊舒金英乾坤爽氣滿臺殿秋光一

老
清朝野慶年豐高會多歡聲永懷無荒戒良士同斯

一作情因詔曰卿等重陽會宴朕想歡洽欣慰良多情
其發於中因製詩序令賜卿等一本可中書門下

簡定文詞士三五十人應制同用清字明日內於延英
門進來宰臣李泌等雖奉詔簡擇難於取舍由是百僚
皆和上自考其詩以劉大真及李紆等四人為上等鮑
防于邵等四人為次等張濂殷亮等二十三人為下等
而李晟馬燧李泌三宰相之詩
不加考第時貞元四年九月也

九月十八賜百寮追賞因書所懷

雨霽霜氣肅天高雲日明繁林已墜葉寒菊仍舒榮懿

此秋節時更延追賞情池臺列廣宴絲竹傳新聲至樂
非外獎浹歡同中誠庶敦朝野意永使風化清

送徐州張建封還鎮

貞元十三年徐州節度使張建封來朝及命歸鎮上

御製詩
以賜之

牧守寄所重才賢生為時宣風自淮甸授鉞膺藩維入
覲展遐戀臨軒慰來思忠誠在方寸感激陳情詞報國
爾所向恤人予是資歡宴不盡懷車馬當還期穀雨將
應候行春猶未遲勿以千里遙而云無已知於時藩鎮
馬燧渾瑊

劉元佐李抱真等勲寵卓越
未有以詩餞獨建封獲賜

麟德殿宴百僚

憂勤承聖緒開泰喜時康
恭已臨羣后垂衣御八荒
務閒春向暮朝罷日猶長
紫殿初筵列彤庭廣樂張
成功歸輔弼致理賴忠良
共此歡娛事千秋樂未央

元日退朝觀軍仗歸營

獻歲視元朔萬方咸在庭
端旒揖羣后回輦閱師貞
綵仗宿華殿退朝歸禁營
分行左右出轉旆風雲生
歷歷

趨複道容容映層城
勇餘矜捷技令肅無喧聲
眷此戎旅節載嘉良士
誠順時傾宴賞亦以助文經

中和節賜羣臣宴賦七韻

貞元五年初製中和節帝製詩寫本賜戴

叔倫於容州

東風變梅柳萬彙生春光
中和紀月令方與天地長
耽樂豈予尚懿茲時景良
庶遂亭育恩同致震海康
君臣永終始交泰符陰陽
曲沼水新碧華林桃稍芳
勝賞信多歡成之在無荒

三日書懷因示百僚

貞元六年三月庚子百僚宴曲江亭上賦上巳詩一

篇賜之

佳節上元已芳時屬暮春流觴想蘭亭捧劍得金人風
輕水初綠日晴花更新天文信昭回皇道頗敷陳恭已
每從儉清心常保真戒茲游衍樂書以示羣臣

重陽日中外同歡以詩言志因示羣官

餘字韻

爽節在重九物華新雨餘清秋黃葉下菊散金潭初萬
寶行就稔百工欣所如歡心暢遐邇殊俗同車書至化

自敦睦良辰宜宴胥鏘鏘間絲竹濟濟羅簪裾此樂匪
足耽此誠期永孚

重陽日即事

令節曉澄霽四郊煙靄空天清白露潔菊散黃金叢寡
德荷天貺順時休百工豈懷歌鐘樂思為君臣同至化
在亭育相成資始終未知康衢詠所仰惟年豐

豐年多慶九日示懷

貞元十八年九月癸亥
重陽御製詩賜羣臣

爽氣肅時令早衣聞朔鴻重陽有佳節具物欣年豐皎

潔暮潭色芬敷新菊叢芳尊滿衢室繁吹凝煙空惠合
信吾道保和惟爾同推誠至玄化天下期為公

七月十五日題章敬寺

貞元七年七月癸酉辛
章敬寺賦詩九韻皇太

子與羣臣畢
和題之寺壁

招提邇皇邑複道連重城法筵會早秋駕言訪禪扃嘗
聞大仙教清淨宗無生七物一作珍匪吾寶萬行先求成

名相既雙寂繁華奚所榮金風扇微涼遠煙凝翠晶松
院靜苔色竹房深磬聲境幽真慮恬道勝外物輕意適

本非說含毫空復情

中春麟德殿會百寮觀新樂詩一章章十六句

貞元十四年二月戊午上製中春麟德殿會百
寮觀新樂詩令太子書示百官序曰朕以中春
之首紀為令節聽政之暇韻於歌詩象中和之
容作中和之舞聊復成篇其詩八韻中書門下
謝賜詩請頒示
天下編入樂府

芳歲肇佳節物華當仲春乾坤既昭泰煙景含氤氳德
淺荷玄貺樂成思治

一作思洽

人前庭列鐘鼓廣殿延羣臣

八卦隨舞意五音轉曲新顧非咸池奏庶協南風熏式

宴禮所重泱歡情必均同和諒在茲萬國希可親

九日絕句

禁苑秋來爽氣多昆明風動起滄波中流簫鼓誠堪賞
詎假橫汾發權歌

文宗皇帝

帝諱昂穆宗第二子初名涵封江王寶曆二年即位恭
儉儒雅聽政之暇博通羣籍顧謂左右曰若不甲夜視
事乙夜觀書何以為人君每試進士親裁題目及所司

進所試披覽吟詠終日忘倦延學士於內庭討論經義
好製五言古調清峻常欲置詩博士李珣言今翰林學
士皆能文詞且古今篇什足可怡悅聖情乃止又嘗與
宰相論詩之工拙鄭覃曰詩之工者無若三百篇皆國
人作之以刺美時政王者采之以觀風俗後代詞人華
而不實無補於事帝甚重其言在位十三年諡曰昭獻
今存詩七首

暮春喜雨詩

開成元年三月
觀內人賽雨賦

風雲喜際會雷雨遂流滋薦幣虛陳禮動天實精思漸
侵九夏節復在三春時霰霖垂朱闕飄颻入綠墀郊坰
既霑足黍稷有豐期百辟同康樂萬方佇雍熙

題程修已竹障

修已冀州人學周昉畫嘗畫竹障於文思殿帝賜以詩朝士皆

奉詔
繼和

良工運精思巧極似有神臨窗忽覩繁陰合再盼真假

殊未分

後二句一作臨窗時
乍覩繁陰合再明

宮中題

太和九年李訓鄭注敗後仇士良愈專恣上登臨遊幸未嘗為樂或瞠目獨語

左右莫敢進
問因賦此詩

輦路生春

一作秋

草上林花發時

一作滿枝

憑高何限意無復

侍臣知

上巳日賜褻度

褻度拜中書令以疾未任朝謝
上巳曲江賜宴羣臣賦詩帝遣

中使賜度詩仍賜御札曰朕詩集中要有卿倡
和詩故令示此卿疾未差可異日進來御札及

門而
度薨

注想待元老識君恨不早我家柱石衰憂來學丘禱

上元日二首

上元高會集羣仙
心齋何事欲祈年
丹誠儻徹玉帝座
且共吾人慶大田

冀生三五葉初齊
上元羽客出桃蹊
不愛仙家登真訣
願蒙四海福黔黎

夏日聯句

開成三年夏日與學士聯句時五學士屬和帝獨謂柳公權詞清意足

人皆苦炎熱我愛夏日長
帝重風自南來殿閣生微涼

柳公權

宣宗皇帝

帝諱忱憲宗第十三子初名怡封光王會昌六年立為
皇太叔恭儉好善虛襟聽納大中之政有貞觀風每曲
宴與學士倡和公卿出鎮多賦詩餞行重科第留心貢
舉常微行采輿論察知選士之得失其對朝臣必問及
第與所試詩賦題主司姓氏苟有科名對者必大喜或
佳人物偶不中第必歎息移時常於內自題鄉貢進士
李道龍云在位十三年諡曰獻文詩六首

百丈山

庾溪詩話帝為光王時為武宗所忌
多晦迹為方外遊至百丈山作詩云

大雄真跡枕危巒梵宇層樓聳萬般日月每從肩上過
山河長在掌中看仙峰不間三春秀靈境何時六月寒
更有上方人罕到暮鐘朝磬碧雲端

弔白居易

綴玉聯珠六十年誰教冥路作詩仙浮雲不繫名居易
造化無為字樂天童子解吟長恨曲胡兒能唱琵琶篇
文章已滿行人耳一度思卿一愴然

幸華嚴寺

雲散晴山幾萬重煙收春色更沖融
帳殿出空登碧漢
遐川俯望色藍籠
林光入戶低韶景
嶺氣通宵展霽風
今日追遊何所似
莫慙漢武賞汾中

重陽錫宴羣臣

時收復河湟

款塞旋征騎和戎委廟賢
傾心方倚注叶力共安邊

題涇縣水西寺

一作題嘉興水西寺

大殿連雲接爽

一作賞

溪鐘聲還與鼓聲齊
長安若問江南事

說道風光在水西

瀑布聯句

詩史云帝遊方外至黃檗與黃檗禪師同觀瀑布聯句 佛祖統紀云帝

至廬山與香嚴閑禪師詠時黃檗在海昌詩史誤

千巖萬壑不辭勞遠看方知出處高黃檗溪澗豈能留得

住終歸大海作波濤帝

句

海岳宴咸通

南部新書云宣皇置泰邊陲曲有此句後懿皇以咸通建號其先兆也

七載秉鈞調四序一方獄市獲來蘓大中九年七月甲午崔鉉由左僕射

為淮南節度帝於太液亭宴餞賜詩有七載秉鈞之句儒者榮之

昭宗皇帝

帝諱暉懿宗第七子初名傑封壽王文德元年立為皇
太弟在位十四年帝攻書好文而承廣明寇亂之後唐
祚日衰遺詩隻韻皆其播遷所製也

詠雷句

紀事云天復元年帝為鳳翔兵劫幸岐
城一日大雷雨牛馬震死街西古槐殿

東鴟吻立碎
帝為詩云

只解劈牛蕪劈樹不能誅惡與誅兇

紀事又云帝在洛
日憂不測與皇后

內人唯沈飲自寬嘗歌云紇于山頭凍菽雀
何不飛去生處樂此古語帝述之者附記

次定回車全書

御定全唐詩

十三

御定全唐詩卷四

欽定四庫全書

御定全唐詩卷五

文德皇后

太宗后長孫氏河南洛陽人隋左驍衛將軍晟之女武德九年立為皇后喜圖傳視古今善惡以自鑒矜尚禮法常采古婦人事作女則十篇今存詩一首

春遊曲

上苑桃

一作杏

花朝日明蘭閨豔妾動春情井上新桃偷

面色檐邊嫩柳學身輕花中來去看舞蝶樹上長短聽
啼鶯林下何須遠借問出衆風流舊有名

則天皇后

高宗后武氏并州文水人荊州都督士彧之女永徽六
年立為皇后中宗即位稱皇太后臨朝尋自稱皇帝改
國號曰周自名聖在位二十二年中宗反正諡則天順
聖皇后有垂拱集百卷金輪集六卷今存詩四十六篇

曳鼎歌

萬歲通天元年鑄九鼎成上各寫本州
山川物產之象令著作郎賈膺福殿中

丞薛昌容鳳閣主事李元振司農錄事鍾紹京
等分題左尚令曹元麻畫令南北衛士十餘萬
人并仗內大牛白象曳之自玄武門
入后自製蔡州永昌曲歌見唐會要

義農首出軒昊膺期唐虞繼踵湯禹乘時天下光宅海

內雍熙上玄降鑒方建隆基

中有隆基字開元中姚崇
等以啓運休兆請宣付史

館

唐享昊天樂

第一

太陰凝至化真耀蘊軒儀德邁娥臺敞仁高如幄披捫

天遂啓極夢日乃昇曦

第二

瞻紫極望玄穹翹至懇罄深衷聽雖遠誠必通垂厚澤
降雲宮

第三

乾儀混成冲邃天道下濟高明閭陽晨披紫闕太一曉
降黃庭園壇敢申昭報方璧冀展虔情丹襟式敷衷懇
玄鑒庶察微誠

第四

巍巍叡業庶赫赫聖基隆
菲德承先顧禎符萃眇躬
銘開武巖側圖薦洛川中
微誠詎幽感景命忽昭融
有懷慙紫極無以謝玄穹

第五

朝壇霧卷曙嶺煙沉爰設筐幣式表誠心筵輝麗壁樂
暢和音仰惟靈鑒俯察翹襟

第六

昭昭上帝穆穆下臨禮崇備物樂奏鏘金蘭羞委薦桂
醑盈斟敢希明德幸罄莊心

第七

尊淳九醞禮備三周陳誠非奠契福神猷

第八

奠璧郊壇昭大禮鏘金拊石表虔誠始奏承雲娛帝賞
復歌調露暢韶英

第九

荷恩承顧託執契恭臨撫廟略靜邊荒天兵曜神武有
截資先化無為遵舊矩禎符降昊穹大業光寰宇

第十

肅肅祀典邕邕禮秩三獻已周九成斯畢爰撤其俎載
遷其實或升或降惟誠惟質

第十一

禮終肆類樂闋九成仰惟明德敢薦非馨顧慙菲奠久
駐雲輶瞻荷靈澤悚戀兼盈

第十二

式乾路闢天扉迴日馭動雲衣登金闕入紫微望仙駕
仰恩徽

唐明堂樂章

外辨將出

總章陳昔典衢室禮惟神宏規則天地神用叶陶鈞負
宸三春旦充庭萬宇賓顧已誠虛薄空慙馭一作億兆人

皇帝行

仰膺歷數俯順謳歌遠安邇肅俗阜時和化光玉鏡
息金科方興典禮永戢干戈

皇嗣出入升降

至人光俗大孝通神謙以表性恭惟立身洪規載啓茂
典方陳譽隆三善祥開萬春

迎送王公

千官肅事萬國朝宗載延百辟爰集三宮君臣德合魚
水斯同睿圖方永周歷長隆

登歌

禮崇宗祀志表嚴禋笙鏞合奏文物惟新敬遵茂典敢
擇良辰絜誠斯著奠謁方申

配饗

笙鏞間玉宇文物昭清輝晬影臨芳奠休光下太微孝
思期有感明絜庶無違

宮音

履良包羣望居中冠百靈萬方資廣運庶品荷財成神

功諒匪測盛德實難名藻奠申誠敬恭祀表惟馨

角音

出震位開平秩扇條風乘甲乙龍德盛鳥星出薦珪篚
陳誠實

徵音

赫赫離精御炎陸滔滔熾景開隆暑冀延神鑒俯蘭尊
式表虔襟陳桂俎

商音

律中夷則序應收成功宣建武義表惟明爰申禮奠庶
展翹誠九秋是式百穀斯盈

羽音

葭律肇啓隆冬

頰一作蘊

藻攸陳饗祭黃鍾旣陳玉燭紅

粒方殷稔歲

唐大饗拜洛樂章

唐書樂志曰則天皇后永昌元年大享拜洛樂禮設用昭

和次致和次咸和乘輿初行用九和次拜洛受
圖用顯和登歌用昭和迎俎用敬和酌獻用欽
和送文舞出迎武舞入用齊和武舞用德和撤
俎用禮和辭神用通和送神用歸和按樂志又

有歸和一章
亦送神詞也

昭和

九玄眷命三聖基隆奉成先旨明臺畢功宗祀展敬冀
表深衷永昌帝業式播淳風

致和

神功不測兮運陰陽包藏萬宇兮孕八荒天符既出兮
帝業昌願臨明祀兮降禎祥

咸和

坎澤祠容備舉坤壇祭典爰申靈睠遙行祕躅嘉貺薦
委殊珍肅禮恭禋載展翹襟邈志逾殷方期交際懸應

下一
句逸

九和

祇荷坤德欽若乾靈慙惕罔寘興居匪寧恭崇禮則肅
奉儀形惟憑展敬敢薦非馨

拜洛

菲躬承睿顧薄德忝坤儀乾乾遵後命翼翼奉先規撫

俗勤雖切還淳化尚虧未能弘至道何以契明祇

顯和

顧德有慙虛菲明祇屢降禎符汜水初呈祕象溫洛薦
表昌圖玄澤流恩載洽丹襟荷渥增愉

昭和

舒云致養合大資生德以恆固功由永貞升歌薦序垂
幣翹誠虹開玉照鳳引金聲

敬和

蘭俎旣升蘋羞可薦金石載設咸英已變林澤斯總山
川是徧敢用敷誠實惟忘倦

齊和

沈潛演貺分三極廣大疑禎總萬方旣薦羽旌文化啓
還呈干戚武威揚

德和

夕惕同

一作司

龍契晨兢當鳳宸崇儒習舊規偃伯循先

旨絕壤飛冠蓋遐區麗山水幸承三聖餘忻屬千年始

禋和

百禮崇容千官肅事靈降舞

一作無

兆神疑有粹奠亨咸

周威儀畢備奏夏登列歌雍撤肆

通和

皇皇靈睟穆穆神心暫動凝質還歸積陰功玄樞紐理
寂高深銜恩佩德聳志翹襟

歸和

言旋雲洞兮躡煙塗永寧中宇兮安下都包涵動植兮

順榮枯長貽寶貺兮贊璇圖

歸和

調雲闕兮神座興
驂雲駕兮儼將升
騰絳霄兮垂景祐
翹丹懇兮荷休徵

唐武氏享先廟樂章

先德謙撝冠昔嚴規節素超今奉國忠誠每竭承家至
孝純深追崇懼乖尊意顯號恐玷徽音既迫王公屢請
方乃俯遂羣心有限無由展敬奠醑每闕親斟大禮虔

申典冊蘋藻敬薦翹襟

早春夜宴

九春開上節千門敞
夜扉蘭燈吐新燄
桂魄朗圓輝送酒
惟須滿流杯不用
稀務使霞漿興方
乘汎洛歸

遊九龍潭

山窗遊玉女澗戶對瓊峰
巖頂翔雙鳳潭心倒九龍
酒中浮竹葉杯上寫芙蓉
故驗家山賞惟有風入松

一作松

風

贈胡天師

見許旌陽傳

高人叶高志山服往山家
迢迢間風月去去隔煙霞
碧岫窺玄洞玉竈鍊丹砂
今日星津上延首望靈槎

從駕幸少林寺

并序

觀先妃營建之所倍切煢衿
逾悽遠慕聊題即事
用述悲懷

陪鑾遊禁苑侍賞出蘭闈
雲偃攢峰蓋霞低插浪旂
日宮疏澗戶月殿啓巖扉
金輪轉金地香閣曳香衣
鐸吟

輕吹發幡搖薄霧霏昔遇焚芝火山紅連一作野飛花

臺無半影蓮墀有全輝實賴能仁力攸資善世威慈緣

興福緒於此罄一作歸依風枝不可靜泣血竟何追

石淙即平樂澗

三山十洞光玄籙玉嶠金巒鎮紫微均露均霜標勝壤
交風交雨列皇畿萬仞高巖藏日色千尋幽澗浴雲衣
且駐歡筵賞仁智凋鞍薄晚雜塵飛

臘日宣詔幸上苑

天授二年臘卿相欲詐稱花發請幸上苑有所謀也許之

尋疑有異圖乃遣使宣詔云云於是凌晨名花
布苑羣臣咸服其異后託術以移唐祚此皆妖
妄不足信也大凡后之詩
文皆元萬頃崔融等為之

明朝遊上苑火急報春知花須連夜發莫待曉風吹

如意娘

樂苑曰如意娘商調曲
唐則天皇后所作也

看朱成碧思紛紛顛顛支離為憶君不信比來長下淚
開箱驗取石榴鬅

製袍字賜狄仁傑

狄公
家傳

敷政術守清勤升顯位勵相臣

徐賢妃

妃名惠湖州長城人生五月能言四歲通論語詩八歲
自曉屬文辭致贍蔚又無淹思太宗召為才人再遷充
容常上疏論時政帝善其言優賜之永徽九年贈賢妃
詩五首

擬小山篇

唐書本傳妃八歲父孝德使擬離騷為小山篇云云孝德大驚知不可掩

於是所著遂感傳太宗知之召入宮

仰幽巖而流盼撫桂枝以凝想將千齡兮此遇荃何為

兮獨往

長門怨

舊愛柏梁臺新寵昭陽殿守分辭芳

一作方

輦含情泣團

扇一朝歌舞榮夙昔詩書賤頽恩誠已矣覆水難重薦

秋風函谷應詔

秋風起函谷勁

一作翔

氣動河山偃松千嶺上雜雨二陵

間低雲愁廣隰落日慘重關此時飄紫氣應驗真人還

賦得北方有佳人

由來稱獨立本自號傾城柳葉眉
間發桃花臉上生腕
搖金釧響步轉玉環鳴纖腰
宜寶袜紅衫豔織成懸知
一顧重別覺舞腰輕

進太宗

紀事云長安崇聖寺有賢妃妝殿太宗曾召妃久不至怒之因進是詩

朝來臨鏡臺妝罷暫裴回
千金始一笑一召詎能來

上官昭容

昭容名婉兒西臺侍郎儀之孫
天后時配入掖庭天性
韶警善文章年十四后召見自通天
以來內掌誥命中

宗即位大被信任進拜昭容勸帝侈大書館增學士員引大臣名儒充選數賜宴賦詩君臣賡和婉兒常代帝及后長寧安樂二主衆篇竝作詞旨益新又差第羣臣所賦賜金爵故朝廷靡然成風當時屬辭者大抵雖浮豔然皆有可觀婉兒力也臨淄王兵起被誅開元初哀次其文章詔張說題篇集二十卷今失傳存詩三十二篇

奉和聖製立春日侍宴內殿出翦綵花應製

密葉因裁吐新花逐翦舒攀條雖不謬摘藥詎知虛春
至由來發秋還未肯疎借問桃將李相亂欲何如

九月九日上幸慈恩寺登浮圖羣臣上菊花壽

酒

帝里重陽節香園萬乘來却邪莫入

一作結

佩獻壽菊傳

杯塲類承天湧門疑待佛開睿詞懸日月長得仰昭回

綵書怨

一云綵
毫怨

葉下洞庭初思君萬里餘露濃香被冷月落錦屏虛欲

奏江南曲貪封薊北書書中無別意惟悵久離居

駕幸三會寺應製

景龍二年十月三日

釋子談經處軒臣刻字留故臺遺老識殘簡聖皇

一作君

求駐蹕懷千古開襟望九州四山緣塞合二水夾城流
宸翰陪瞻仰天杯接獻酬太平詞藻盛長願紀鴻休

駕幸新豐溫泉宮獻詩三首

景龍三年十二月十二日中宗皇帝

駕幸新豐溫泉宮勅蒲州刺史徐彥伯入仗同學士例因與武平一等獻詩上官昭容亦賦絕句

三首以獻

三冬季月景龍年萬乘觀風出灞川遙看電躍龍為馬
回矚霜原玉作田

鸞旂掣曳拂空回羽騎驂躡景來隱隱驪山雲外聳
迢迢御帳日邊開

翠幙珠幃敞月營金壘玉罕泛蘭英歲歲年年常扈蹕
長長久久樂昇一作平

遊長寧公主流杯池二十五首

長寧公主章庶人所生下嫁楊

春交皇帝制曰門下特進行右散騎常侍駙馬都尉觀國公楊春交分榮戚里藉寵公門恭肅

著於立身協勤效於從政鳳皇樓上宛符琴瑟
之歡烏鵲橋邊載協松蘿之契宜覃茅土式廣
山河因造第於東都府財幾竭又取西京高士
廉第左金吾衛廢營改為宅作三重樓築山浚
池帝及后數臨幸令
昭容賦詩羣臣屬和

逐仙賞展幽情踰崑閬邁蓬瀛

遊魯館陟秦臺汚山壁媿瓊瓌

檀欒竹影颺颺松聲不煩歌吹自足娛怡一作情

仰循茅宇俯晒喬枝煙霞問訊風月相知

枝條鬱鬱文質彬彬山林作伴松桂為鄰

清波洶湧碧樹冥蒙莫怪留步因攀桂叢

莫論圓嶠休說方壺何如魯館即是仙都

玉環騰遠創金埒荷殊榮弗玩珠璣飾仍留仁智情鑿
山便作室憑樹即為楹公輸與班爾從此遂韜聲

登山一長望正遇九春初結駟填街術一作街閭閻滿邑

居鬪雪梅先吐驚風柳未舒直愁斜日落不畏酒尊虛
霽曉氣清和披襟賞薜蘿玳瑁凝春色琉璃漾水波跂
石聊長嘯攀松乍短歌除非物外者誰就此經過

暫爾遊山第淹留惜未歸霞

一作水

窗明月滿澗戶白雲

飛書引藤為架人將薜作衣此真攀玩所

一作桂府

臨睨賞

光輝

放曠出煙雲蕭條自不羣漱流清意府隱几避嚙氛石

畫妝苔色風拔織水文山室

一作空

何為貴唯餘蘭桂熏

策杖臨霞岫危步下霜蹊志逐深山靜途隨曲澗迷漸
覺心神逸俄看雲霧低莫怪人題樹祇為賞幽棲

攀藤招逸客偃桂協幽情水中看樹影風裏聽松聲

攜琴侍叔夜負局訪安期不應題石壁為記賞山時
泉石多仙趣巖壑寫奇形欲知堪悅耳唯聽水泠泠
巖壑恣登臨瑩目復怡心風篁類長笛流水當鳴琴
嬾步天台路惟登地肺山幽巖仙桂滿今日恣情攀
暫遊仁智所蕭然松桂情寄言棲遯客勿復訪蓬瀛
瀑溜晴疑雨叢篁畫似昏山中真可玩暫請報王孫
傍池聊試筆倚石旋題詩豫彈山水調終擬從鍾期
橫鋪豹皮褥側帶鹿胎巾借問何為者山中有逸人

沁水田園先自多齊城樓觀更無過倩語張騫莫辛苦
人今從此識天河

參差碧岫聳蓮花潺湲綠水瑩金沙何須遠訪三山路
人今已到九仙家

憑高瞰險

一作迴

足怡心菌閣桃源不暇尋餘雪依林成

玉樹殘雲點岫即瑤岑

句

勢如連壁友心似臭蘭人

詠後苑雙頭牡丹
見龍城錄

楊貴妃

妃蒲州永樂人，勾籍女官，號太真，善歌舞，邃曉音律，智算警穎，恩幸無比。宮中號娘子，天寶初進冊，貴妃十五載西幸，至馬嵬，縊路祠，下有詩一篇。

贈張雲容舞

雲容，妃侍兒，善為霓裳舞。妃從幸繡嶺宮時，贈此詩。

羅袖動香香不已，紅蕖裊裊秋煙裏。
輕雲嶺上乍搖風，嫩柳池邊初拂水。

江妃

妃名采蘋莆田人開元初高力士選歸侍明皇大見寵
幸善屬文自比謝女所居悉植梅花帝因其所好戲名
梅妃有詩一首

謝賜珍珠

上在花萼樓封珍珠
一斛密賜妃妃不受

桂葉雙着久不描殘妝和淚污紅綃長門盡日無梳洗
何必珍珠慰寂寥

御定全唐詩卷五